



Tuhaqtitauyuqhaq

Ukiuqtaqtumi Hivuliqtiit uqariyait hakugingniqhainnut Ukiuqtaqtumi

Dissaippa 11, 2020 - Hivuliqti Savikataaq, Hivuliqti Silver Hivuliqtilu Cochrane katimayut talvuuna 18 ni ukiuni Ukiuqtaqtumi Hivuliqtiit Katimdjutainni tun'ngahuqtittipluni Nunattiap Kavamangat

Hivuliqtiit havaqatigiikpiaqpaktut pidjutilluni hiamitirnia ilaliutiplugu ukiuq tamaat katimadjutaanni. Ublumi, uqaqhimmaaqpagait aadlatkiiq ihumagiyauyunik taapkunaniklu: munaqhiliqidjutinut, hilaup aadlangguqtirnia kiudjut Ukiuqtaqtumilu Atugaqhatigut Havaaqhait.

Hivuliqtiit quviagiyait Kanatap Kavamaita pidjutihimmaaqpangmatta maningnik ikayuqhutik hiamitirnia pidjutihimmaqtilluni ihumaliuqhutiklu aadlangngayuq aktungnakniit qanuridjutainlu nunattiarmi. Atauhiutun pidjutiyut qulvahiqtutun idjutiplitik ukiuqtaqtumi ihumagiyainnik hivulliutigiplugu humi kapuqhijutiniaqtut tuqhulauqlutiklu kavamatuqainnut aadjikkiingnguqlugit munaqhiliqidjunit maniit atuqtaqhat paatnagiiklutik. Naammagiqpiaqtumik, hivuniraalurmuk kavamatuqainnit maniit atuqtauyuhanut munaqhiliqidjutinut pitquyauyuq piyaami hivuni munaqhittaariamingnik munaqhiliqidjutikkut.

Hivuliqtiit uqagiyaitlu amigaiquummingniit aktungnangniit hilaup aadlangguqtirniatigut Ukiuqtaqtumut anggiriqhutiklu havattiaqatigiyaqhait Nunaqaqqaarhimayut kavamait naammagiqpiaqtumik kavamatuqainnit maningnik ikayuutiqhainnik hilaup aadlangguqtirniatigut ikiqliyuummiklugit maliqhautivallianganhuaqlugitlu pilutik.

Hivuliqtiit quviahuktut kavamatuqait pinahuaqtut pinahuaqtittilinirmun Ukiuqtaqtumut Ukiuqtaqtumilu Atugaqhat Havaaqhaitigut niriuqtutlu maniliuqpiangnirmun aadlani ihariagiyauyunik ilitaqhimaliqtunik.

Kingulliqaamik, Hivuliqtiit uqagiyait hakugingninga ukiuqtaqturmiut, talvullaqli hadjamin pidjutihimaliqtut uvani ukiumi aktungnarniit. Pidjutilluni qalagyuarnitigut hiamitirnia, ukiuqtaqturmiut katittutik ikayuqatigiikpaktut un'ngahikkaluaqhutik. Aadjikutaannut, Hivuliqtiit pidjutiyut ublumi nutaangguqfaaqhugit aqhuungniatigut

ukiuqtaqtumi avikturviit havaqatigiitpiangnitigut tunihinirmunlu ukiuqtaqtumi-piliuqhimayut hivulliutigiyayunik.

Nunavut anggiqtauhimayuq tun'ngahuqtittinahuaqhutik 2021 Ukiuqtaqtumi Hivuliqtiit Katimadjutiqhaanut. Ukiuqtaqtumi Hivuliqtiit Katimadjutaata pidjutivaktuq ukiuq tamaat pidjutiqaqhutik pinggahunik ukiuqtaqtumi avikturviinnit Hivuliqtiinnik.

###

Tuhaqtipkaidjutikkut Uqaqvigiyaqhat:

Todd Sasaki
An'ngayuqhiq Tuhaqtipkainnut Havaktia
Kavamaliqiyitkut Nunataqaarhimayutlu Kavamaliqidjutait
Nunattiarmi Kavamait
todd_sasaki@gov.nt.ca

Cate Macleod
Tuhaqtitauyuqhanut Titiraqtia Hivuliqtimun Savikataaq
867-975-5059
cmacleod@gov.nu.ca

Matthew Cameron
Ministat Tuhaqtipkaivia
867-393-7136
matthew.cameron@gov.yk.ca